

CAMBRIA sive WALLIA.

81

quos *Montgomerya* primum locum occupat. Hanc *Powysia Principes* a tertio filio Rotherici magni prognati cum aliis (licet Rogerus & Hugo Montgomerienses partem nonnullam abrasissent) perpetua serie ad Edvvardi 11 tempora tenuerunt. Tunc enim *Oenus* è Britannico sanguine ultimus *Powysia* Dominus *Havvysiam* unicam filiam reliquit, quam Ioannes Charletonus equestri dignitate Anglus duxit, & jure uxorio Dominus *Powysia* ab Edvvardo factus erat, qui Leonem rubrū erectum aureo in clypeo gerebat. Huius hæredes masculi ad quartam usq; progeniē hoc honore claruerunt, donec in Edvvardo mascula successio abolita fuisset. *Merionithia* Giraldo *Terra filiorum Canani*. Hanc *Hugo Comes Cestrensis* primus Normannorum dispositis præfidiis occupavit, cum *Gruffinum* filium *Conani* captivum teneret, sed postea ille hanc cum reliquo principatu recuperavit, posterisq; reliquit, donec fatali periodo confecta, in *Leolini* desuit. Supra *Merionithiam* jacet *Caernarvonshire*. Cui statim a Normannorum in Britanniam ingressu *Gruffinus* *Conani* filius præfuit, qui cum influentes Anglorum in *VVal-* liam copias reprimere non potuisset, tempestatu subinde cessit; demumque cum sua integritate Regis *Henrici* gratiam redemisset, facile etiam ab Anglis sua recuperavit, posteritatisque reliquit ad *Leolinum* usque. Qui cum fratres injuriis, & vicinos Anglos incursionibus irritasset, eo adductus fuit, ut hanc montanam Regionem cum *Mona*, sive *Anglesea* Insula, ab Edvvardo 1 clientelari jure teneret, eoque nomine mille *Marcas* quotannis persolveret. Quibus conditionibus cum postea non staret, sed suam perfidieque fratris pertinaciam, potius, quam spem sequutus, aleam belli denuo tentaret, interfectus & sibi & Britannorum in *VVallia* imperio finem attulit. *Denbighia* sequitur. Hanc cum res *VVallorum* seditionibus, & Anglorū incursionibus in lapsum pro na jam sisti non poterat, *Comites Cestria, Warrennia, Mortuomarii, Laceyus & Grey*, primi Normannorū paulatim occuparūt, & suis possidendam reliquerunt. Sequitur ultima *VVallia* provinciola Anglis *Flintshire*. Hujus agrum *Cestrej* *Comites* levia prælia ex occasione, & oportunitate cum *VVallis* conferentes, primi Normannorum sibi subjecerunt. Sed cum illi jam desissent, *Edvvardus* 1. hanc & omnem *VVallię* oram maritimam sibi tenuit. Interiora Proceribus suis, ut visum erat, assignavit, consilium Augusti sequutus, qui validiores & exteriores provincias ipse suscepit, cæteras Proconsulibus sortito permisit. *Cambri*, ut testatur *Humfredus Lhuydus*, Anglos vestitu imitantur, impatientes laborum, generisque nobilitate ferocientes, parce & duriter domi vitam agunt: plebique in Anglia se clientelæ & famulatio Regum & Nobilium dedunt, ad quæ supra quam dici potest sunt apti. Liberorum etiam educationi institutionique operam dant: quo fit ut nullus adeo in universa Cambria sit fortuna tenui, qui non in Schola edoctus sit: peritiores Iuri operam dant, deque eo per totam Angliā respondent. Et quemadmodum olim gens (ut *Tacitus* refert) injuriarum impatientissima, continuis pugnis & homicidiis inter se digladiabatur; ita nunc ob legum metum, quibus optime obediunt, supra omnes gentes, litibus & controversiis inter se, usque ad omnium bonorum consumptionem, contendunt. Sed de his satis.

L

CORNVBIA

Montgomerya.
Imperium majo-
rum.

Merionithia.
Imperium majo-
rum.

Incolarum mo-
res.

Caernarvonshire.
Imperium majo-
rum.

Denbighia.
Imperium majo-
rum.

Flintshire.
Imperium majo-
rum.

Cambro-
morei.